

長樂縣志卷十二

列傳一 名宦

天下者州縣之積欲天下之治必自州縣始州縣得人則一方以安千四百餘縣皆得人則天下舉安矣朝廷慎簡有司未嘗不欲皆循良也百姓稍有疾苦未嘗不思賢父母也長樂自唐至今歷任凡數百人而名宦不過此數推而至天下可知也雖然以其少也尤不可以不志所以見民心之易感而恩德之不忘也後之君子何去何從必有能辨者矣其丞尉學官營員等皆分佐州縣以治事有德於民者義當並著於篇作名宦傳

唐

長樂縣志

卷十二

列傳一

名宦

殷堯藩秀水人元和九年進士從李翱長沙幕府後爲長樂令有治績擢侍御史

宋

李葺太平興國閒爲縣令嘗言守令爲民師帥脫有秕政厲民使和氣未洽災眚不銷咎將誰諉遂晝夜勤政兢兢不懈瀕海沙京嶺頭田患鹵斥教民築堤防禦遂成沃壤祀名宦祠

吳仲舉皇祐閒宰邑賑貧民杜私謁清操凜然嘗作惜陰軒於縣署又作絃歌亭其勤政敷化意槩可見祀名宦祠

閔希聲皇祐末令邑勸課有方催科不擾抑強植弱周貧甦億卽其勤政惠民雖古稱循良何以加焉祀名宦祠

方次靜

志作彭

字公述興化人皇祐初第進士歷六縣皆有治績嘉祐

閒宰長樂作興士類愛育元黎銓曹課最擢知梅州後以老乞歸
賜五品服致仕

蕭竑熙甯中宰邑下車卽詢民瘼周爰若弗及振舉百廢尤究心水利
利根括十七都二十四都諸湖侵地斗門石上有古篆記祀名宦
祠

徐世英繼蕭竑爲令以清慎著聞不尙威嚴而民自化不事媵阿而
名益彰嘗歲旱禱雨輒應人以爲德政所感祀名宦祠

伍擇之字元賓汀州甯化人太常博士通判饒州伍祐之子也博學
有器識皇祐進士初調南豐簿擢秘書監元祐初出宰長樂時諸

長樂縣志

卷十二

列傳一

二

名宦

司暴酷相矜輒興大獄乃感然曰以殘忍附上官非我志也遂棄
官歸

袁正規字道輔陵陽人元祐三年來任邑令約已裕民皆有足稱興
利除害惟恐不及暇則論文賦詩綽有古儒吏風嘗於縣治東二
里鑿義泉以濟行旅又興水利濬港以溉民田人名其港曰袁公
港正規不有其功易名爲元祐港祀名宦祠

陳可大字齊賢興化仙遊人父汝器喜積善有飛錢之異祝曰願一
子大吾門足矣奚以錢爲可大政和中登進士調漳州工曹兼右
推辦折冤獄人服其明紹興閒改知長樂捐俸大修陂塘民爲立
碑記其功德又鐫石名其津曰陳令津後擢知肇慶府去任之日

惟衣衾書籍而已官終朝請大夫

吳一鳴字伯大紹興五年進士初官佐貳用漕帥康維新薦令長樂革勢家寄庄田勤督運時有盜劫盧尙書家獲所遺刀悉召示鐵工廉知爲泉州巨賈之從人亟以計獲之一訊而服祀名宦祠

王遇字子述

一作子合

號東淵漳州龍溪人父羽儀賢而有文章遇受業

朱熹呂祖謙張栻之門與陳淳黃幹廖德明相厚善登乾道二年進士調合長樂悉以所學施之政事教撫黔黎使知禮讓所著有論孟講議西漢博議仕終左司郎中

諸葛悅淳熙中任長樂簿時前丞相史浩帥閩部不輕以獄訟畀屬更雅聞悅賢輒委事悅以理平決不規大府意爲是非丞相益相

長樂縣志

卷十二

列傳一

三

各宦

知延幕中幕中故盛賓遊唯悅一話一言無裨益不出口浩自喜晚得士禮與已敵將薦之朝而悅死矣著有易論語註此名應列簿尉誤刻於此

方翥字次雲號西軒莆田人宣義郎威武軍節度推官方元冢之孫從兄畧官廣東轉運使儲書千二百笥謂翥曰次雲不出戶十年當移吾書入肝膈矣翥旣第不涉仕途十八年盡讀之淳熙閒由藤州教授遷長樂縣令莊以涖民誠以應物常以致知慎獨教學者元冢與二程講學翥旣有家傳又師事朱子而與林光朝施廷光陸子靜陳昭度爲友其爲政可知也

陳昭度仙遊人少有高行長卽明道講學與林光朝相友善方翥爲秘書省正字時昭度每欽禮之紹熙閒第進士授長樂縣令爲政

一遵方彘成軌民多德之

元

呂復初爲江西行省左右司都事與廣東僉事獲獨步丁同寓福州後復調攝邑事明兵下福州復謂步丁曰吾世食君祿當死報國遂引繩自經獲獨步丁亦投井死祀名宦祠

丁德孫字惟一浙江鄞縣人至正閒蒞任崇學校簡詞訟去後見思明

邱宗亮直隸江陰人洪武十二年知縣事勤政愛民務存寬厚麗土之民各獲其願嘗繕修文廟建山川社稷壇場興舉衆廢綽有成功祀名宦祠

長樂縣志

卷十二

列傳一

四

名宦

王遵道直隸蘇州人永樂中宰邑專務以德化民省刑薄歛興廢舉隆尤崇學政立射圃賢聲振起及應召入京民爲攀轅臥轍祀名宦祠

詹奎章江西人永樂中由監生任知縣政平訟理境內清平莊以蒞民明以燭奸廉以律已吏畏其明民懷其惠

齊普山東人寬裕博雅事親以孝聞宣德閒由選人任知縣明達治體躬行以率民民服其化

龍韜曲江人正統閒任知縣平易得民嘗建退思堂於縣署公餘退食則靜坐省愆又嘗修城隍廟暨山川社稷邑厲等壇治績尤著祀名宦祠

黃琬豐城人成化初由舉人任知縣爲政嚴謹門無私謁聽訟吏不能欺濟貧恤孤築塘坂修道路凡利於民者必先之涖任四年卒於官

汪正祁門人成化閒由進士任知縣忠信明決屬掾屏迹莫敢有舞文者尤有惠政及民民常懷之

羅敘吉水人成化閒知縣事平政宰民宣協風教嘗值歲旱禱雨卽應治邑七年興百廢均賦役恪守官箴終始如一

潘府字孔修號南山上虞人宏治三年以進士知縣事嘗以三事自守然清不激慎不拘勤不擾尤平易近民對百姓如妻子每芳辰佳節輒緩遊郊外與民偕樂有求歌詠欣然應之嘗作橋於河之

長樂縣志

卷十二

列傳一

五

名宦

許以渡行人改南山寺爲書院暇則與髦士講學其中建觀稼亭勸農亭改邑內諸佛宮爲鄉約堂遵行朱子損益藍田呂氏鄉約以正風俗時以循良稱之官至太常卿祀名宦祠

鍾紹字大韶東莞人由進士初知崇安以才堪煩劇更任清謹勤約始終一節尤重風教境內有孝義廉節者必覈請表揚之士習民風爲之不變邑人稱頌久而不衰

龍琰常德人正德十年由進士任知縣持已端莊敷政寬平時鎮守檄郡行邑屢有需採琰重擾民輒峻拒之

楊麒字仁甫號四泉上饒人嘉靖元年由進士任知縣未及期以制歸麒寬洪長者政尙安平民有弗類者必諭令改悔故民亦鮮麗

於法尤勞心撫字救疾省恤饑寒雖施澤未久而一旦去任民若失怙恃越十年餘麒之弟麟判泉州道經縣治百姓遮留問麒安否至有泣下者仕至工部尙書

汪瑄字諧甫婺源人嘉靖三年以進士任知縣性惠慈政尙簡易不事炫飾而民安之四年夏旱秋潦饑饉薦臻瑄多方賑恤復躬控大府丐爲發倉郡守汪文盛因與瑄共疏以聞詔蠲是年田租民爲之歌曰天降殃歲卒荒不有二汪誰立我僵

曾銑字子重江都人自才自豪嘉靖八年成進士授本縣令涖官嚴明夙弊多所釐革徵爲御史巡按遼東平亂卒于蠻兒等擢大理丞遷右僉都御史巡撫山東俺答數入內地銑築臨清外城進副

長樂縣志

卷十二

列傳一

六

名宦

都改撫山西寇不犯邊進兵部侍郎巡撫如故嗣以原官總督陝西三邊軍務屢殲寇兵累賜銀幣增俸一級疏論河套條八議又上方畧十八事帝始倚賴之後嚴嵩欲傾夏言併譖銑陰令仇鸞於獄中草疏誣銑尅軍餉掩敗不奏坐斬隆慶初給事中辛自修御史王好問訟其冤贈兵部尙書諡襄愍

何應和字景陽號大溪東莞人由舉人嘉靖十七年來令邑涖任不挈妻孥官舍閒然時歲祲民饑躬控緩徵發倉賑貸焉南北鄉耕獲異齊里胥以時迭更休暇不以稅辦妨民事民或譌造大辟輒款款諭歸俾熟籌之無已然後逮鞫久而民信遂無囂訟者閭落晏如不見勾捕之擾編徭役必手自品第屬掾無所售其奸暇則

課僮僕治畦蔬素自給出則攜糗以從若寒士然他若周急扶危
剗豪屏秕有難盡述豈繫赤子視民亦直以慈親況已耳六年擢
通判尋轉知州致仕

吳遵字公路號初泉海甯人嘉靖丁未進士授長樂縣知縣廉勤通
敏爲政務興利除弊育才宣化縣有廢寺二曰觀音巖泉寺田若
千畝豪右將攘之遵悉取以充學校爲肄業膏燭費諸士德之像
祀於射圃之寢堂縣賦例輸三百石於萬安倉民艱遠餽遵爲申
請得改福清倉民便焉馬江諸渡稅積逋千餘緡久之貧莫能輸
遵請蠲之其人樹碑於江滸以頌德邑有高允實者誣併戎籍遵
廉得其狀力爲解脫其家繪像以祀赴召之日耄稚泣送於途後

長樂縣志

卷十二

列傳一

七

名宦

拜監察御史遷太僕寺少卿

詹萊號範川常山人博學雄文尤邃於歌行綽有漢魏之風嘉靖丁
未進士下車卽明法令申教戒期於戢暴詰姦其風裁英果應事
如流暇則盡脫畦畛登眺賦詩灑然不爲俗累時浙東島夷陸梁
巡撫御史王忬檄城長樂遂以身任之多方經畫俾費不及民民
亦樂於趨事城成萊旋改任寇亦奄至自乙卯迄癸亥每春汛烽
警無虛日民有所恃以爲歸者萊之功也官至湖廣僉事

蔣以忠字伯孝號貞菴常熟人性沈穎精研博采爲文清新婉雅超
然於筆墨蹊徑之外隆慶戊辰進士來令邑首罷里胥諸繁費免
贖金去稅入之耗却商僧征復濱澗湖射圃學田城內外坊衢橋

梁多所營砌以至公館社學養濟院百廢俱興又創整干之法定福清倉常直編里役尤公惠績久遠民不能忘云

韓紹號懷愚湖州府歸安人由萬曆辛未進士來任自蔣貞菴行後邑鮮善治公至廉節自勵催科以時剖訟明恕吏胥罔敢舞文僚屬遵法自守邑人翕然稱之適歲霪雨紹虔禱雨息邑以有年擢給事中子敬庚戌會狀兩元即邑署所生也

郁文周字文叔江陰人萬曆中知縣事存心愛人操履耿介緩徵恤寡詰盜懲奸修水利興學校士民戴之以疾去卒於家

李奇珍號四可浙江嘉善人萬曆辛丑進士下車即禁公買凡用物適準民植編審里役秉公無徇邑向多竊盜雖行刺配輒逃歸奇

長樂縣志 卷十二 列傳一 八 名宦

珍為久錮之法以困之盜為絕迹訓文飭武文風丕變武備一新時有議鑿嶺柄港者奇珍為禁止所全甚巨遇早步禱甘霖立至册封使者至一遵成法導之出海民不為擾清直恬澹性尤神敏

所見人終身不忘去邑既久遇邑民必遙識其名在邑剖斷如神民懷吏懼擢居兵垣官至太常少卿即隱居不出子弟俱賢者循政之報也

鄭尙友號月菴浙江杭州人崇禎辛未進士博學好道悃悞無華治邑惟慎惟執朝夕皇皇不自暇逸建五賢祠崇正書院以訓士清復濱澗湖以惠民移小社巡司于大社遇旱步禱民以有年懲盜

用久錮之法盜咸屏跡册封使者至有所苛索力以故事爭不令

擾民扶弱鋤彊四境肅然擢工部主事旋病沒蕭然壁立知縣憂
允彝請祀之學宮云碩學宏才設誠致行視國如家愛民若子執
三尺之法岳峙難搖慄一介之操冰清莫染咸實錄也

夏允彝字彝仲號緩公嘉善籍華亭人幼穎悟長文學為幾社鉅手
崇禎丁丑成進士次年知本縣事始終七載諸弊悉除百廢俱興
民戴如父母欽若神明歲旱禱雨立應四時考課上下游士子咸
就正焉一時文風丕振公餘修纂邑乘皆手自編輯一秉至公遂
成信史福藩時擢為吏部主事晉禮部員外郎長之士庶如失怙
恃為立生祠南京失守公與兄之子旭子完瀆舉家投淮經濟文
章萃公一身而忠義孝友又萃公一門也長祀公於名宦祠華亭

長樂縣志

卷十二

列傳一

九

名宦

亦祀公兄弟父子於忠義祠

國朝

呂鳴純揚州人進士順治初知本縣事時兵燹後百務未興鳴純修
廢舉墜勸學興文尤善評文所識拔如陳書李靖黃有樹林千里
梁大木等皆知名士又捐修 文廟學宮射圃至今誦之

李岱生號千巖高密人順治戊戌進士康熙初知本縣事潔已愛民
時值遷界應遷人戶恐有糧無地半逃散岱生蒞任三日即力請
大府豁浮賦廣招徠再三陳請備寫困苦情狀讀者皆流涕竟停
格不行官滿受代去泣送者凡數千人

傅宸楹高密人博學能文以進士任本縣分闈所得多知名士時

詔下清丈田畝宸楹星軺露處逐區詳定畝數精明勤慎吏胥無敢擾者以勞致疾卒於官民爲立像祀之

楊儒臣號又東江南青浦人以蔭生授官本縣清廉風雅善詩能書尤工水墨下車卽興起文學儒風丕振閩侯長福四學弟子員額各十五至是並增至二十春秋闡獲雋者纍纍皆楊鼓舞之力也

衛良佐號鶴洲鍾祥人嗜學工文康熙閒舉於鄉五十一年補邑令

性樸直不事修飾及蒞事詳明當理崇儒士興文教尤留心水利

開文洽浦砌蓮花堰修南陂諸廢具興至今民食其利邑有齊聖

王廟愚民崇奉若狂佐撤毀改爲義學祠朱子歛服其守正也

論曰

公在邑人多稱其戇觀於興利舉廢重道崇儒其戇也其賢也汲長孺可以戇少之哉

長樂縣志

卷十二

列傳一

十

名宦

胡宗文金谿人舉人雍正五年權知縣事吏治精明六年荒旱宗文請於大府赦糧六千餘金民德之後擢本省糧驛道

楊方江山東長山人進士居心仁厚廉潔恤民本邑食鹽向係聽民販鬻肩負日以千數嗣奉檄歸官方江悉心措理公私利賴不久解組去民至今思之

戴永樸烏程人舉人勤敏果斷重士愛民縣東文洽浦潮水直入泮池爲邑中水利所關久經淤塞永樸慨然捐俸率先開濬士民亦踴躍勸工築砌成隄濱澗湖年久被侵永樸親巡視達大府得旨豁除浮糧還湖開濬畫界立碑永除積弊灌溉民田七萬餘畝立祠祀焉

廖興鎮衡陽人乾隆三年以名孝廉知縣事居心仁厚愛重斯文省刑緩徵所施多善政嘗修林忠烈伸蒙祠濬龍灣港創造橋闢泣任未久去士民思之

黃瑞鶴號來遠西充人乾隆十四年以進士來知縣事重厚和平廉潔自好待士以禮愛民如子至不忍急切催科重迫百姓去官日宦橐蕭然士民醵金贈之迄今童謠猶曰黃鶴再來天有眼蓋百餘年未泯云

賀世駿字拔倫號相臯江西安福人雍正己酉舉於鄉乾隆己巳以隄務入閩報滿後歷任德化永定所至有政聲丙子調長樂政平訟理百廢俱興砌南壩修陳塘港清釐東西二湖及長林桃坑等

長樂縣志

卷十二

列傳一

十一

各宦

湖又增修 文武聖廟復射圃設義學移建書院置膏火費公餘聚諸生講論邑乘年久未修延邑人林調燮鄭愈陳九鼎等襄其事而親筆削之甲申行取入都邑人士各獻詩以榮其行名曰百里同音蓋紀實云

論曰公家居為孝廉二十載不事躁進嘗曰讀聖賢書處不為偽儒出不為俗吏乃不虛所學耳及為政果踐所言然則為儒者為循吏公一身兼之顧非講求有素哉

李鏐號星庚浙江餘杭舉人嘉慶五年任廉明英果摘發如神有蠹役某素不法聞鏐至即深自斂迹每日在儀門下見人進謁必向前懇恩曰為某說好話今已改行不復梗盛治矣聽訟勤而治獄恕凡有巨案從不株連民德之性喜造士有知人鑒觀風首取鄭孚誠正士也月給米炭終任不衰三次校士案首皆得人董鸞陳

玉銘王登三是也涖任五年調臺灣卒於官邑人士皆思慕焉
楊清翰號漪園陽湖名進士嘉慶十二年任以造士興文爲急務重
修書院廣增膏火聘名宿李學運作之師擇正士鄭蔚然董其事
每公餘卽詣講堂與多士談經史論文章閒或削墨引繩邑人士
德之初諸書院以媿賀公焉在任前後凡十三年清不刻而慈不
懦恩威並用風俗以醕嘗三卸縣事其去也民思之其回也民喜
之曰我老爹又來也宦久識土音聞之殊喜擢南臺海防陞汀州
府以在長樂時洋案失察部議歸年屆古稀猶主講席者十餘年
褚登號宣臺靖江人由庶常改知縣以道光十五年署縣事愛民重
士除暴安良邑十四都之杜母嶺爲來往要衝無賴子聚集其閒
肆搶掠設拿人館行人苦之登陰戒壯丁夤夜擒其黨火其廬北
鄉以靖又有崑石某者素不法號煞神爲一方害登設法擒之而
南鄉以靖甫半年去眾躋堂爲之壽並釀金贖之蓋自楊公以後
稱賢令尹者首指屈焉

以上知縣

宋

陳維德字徽之興化莆田人左僕射陳靖之孫也天禧四年任本縣
尉鄰邑有鬪而服毒死者獄成檄維德覆驗維德以計察其誣白
之時年十九吏民初以年少易之至是乃大服慶厯閒舉能吏治
廣南除知雷州官至虞部員外郎

長樂縣志

卷十二

列傳一

十三

名宦

陳之邵同郡侯官人操履方平博學好問尤長于詩紹聖四年以通經碩儒登何昌言榜進士佐縣奉憲持廉端已惠下嘗治水利有
功於民仕終朝奉大夫宗正少卿祀名宦祠

趙文孫字道鳴初名必絳宋宗室商王之九世孫也自紹興移蹕屬籍南外宗正寺遂爲晉江人咸淳丁卯以登極恩賜出身除長樂縣主簿後宋亡遂不仕易名文孫避處郡庠不接流俗專以訓誨講解爲事其文章識論淵懿浩博爲閩南碩儒

明

趙允字執中廣東潮陽人洪武二十年以通經幹濟薦授本縣丞佐政數年汰姦弊去苛擾爲民興利治績煥然可觀十一都海塘崩

長樂縣志

卷十二

列傳一

三

名宦

陷鹹潮病稼允設法修築民至今懷之

張文可永樂中爲縣丞耿介負直氣是非曲直無所撓屈旣蒞任寬恤以子民明決以革奸時大尹王遵道博學謹禮雅重儒先文可與之同志嘗捐俸共立鄉賢祠士民賢之祀名宦祠

劉有源永樂中任勤政而不取於民溫和好士人雅慕之翰林典籍高棟贈詩云長官清平佐政理况以簿領尤寬仁時以棟之言爲然祀名宦祠

黃本字維成吳川人永樂初任贊政有聲惠利及民時十一都至十四都海隄崩陷本悉力修築四千餘丈增設旒山塘斗門通捍潮水翰林典籍高棟作述績篇以紀其事祀名宦祠

朱褒浙之青田人溫和耽書動不渝則成化閒以國子生任縣丞廉潔有聲諸所注措悉合時宜嘗禁奪止役務使財阜民殷人以賢佐貳稱之祀名宦祠

熊廷用

府志作廷相

豐城人嘉靖己未爲長樂典史時倭寇猖獗逼縣城

廷用登陴守禦開門縱老幼悉納之存活數千命修築濱澗湖民受其利約已下士爲督學使者所鑒知非世之局於刀筆者

以上丞簿尉典史

明

孫大雅直隸江陰人永樂閒任敦厚博雅簡默凝重表裏如一爲學必以躬行實踐爲先不屑屑於章句誘引後學不厭不倦被其教

長樂縣志

卷十二

列傳一

十四

名宦

者多克有成祀名宦祠

廖正廣東潮州人成化閒任敦詩書而崇禮義薄聲利而重名節其文學德行無愧師表云祀名宦祠

余珙饒平人宏治初由舉人任訓導操行不苟嘗以冠昏喪祭四禮率生徒講習於社學人咸悅服祀名宦祠

潘援浙江景寧人宏治十三年以舉人署教諭事器識完粹經學精研均視諸生絕不爲厚薄低昂之態覲其丰儀聆其議論者樂於親近如在春風和氣中人以爲有胡蘇湖之風

郭岱號遼山番禺人嘉靖三十八年以舉人署教諭溫厚雅飭居常恂恂如也人莫窺其喜怒對士子色笑可親往爲師者視通顯側

陋之子竄然別矣岱獨待之如一例贈言費必取諸生金爲之岱曰醵金於眾以爲已惠吾不爲也擢嶧縣知縣

胡大韶永康人嘉靖閒任爲人正直剛方循循善誘貧士以束修進輒卻之且捐俸資給焉處縣令尤以禮自繩未老致仕歸

郭翰順德人嘉靖癸丑任言呐呐不出口溫和醇厚盎然可掬居官三年未嘗失色諸生咸親仰之致仕歸

陳文燦號茂村南陵人萬厯閒任教諭以清操聞祀名宦祠

國朝

陳夢麟漳州人任閩清學博康熙三十六年署本縣教諭甫下車見學宮頽圯遂毅然力任捐宦囊爲諸生倡闔邑聞風興感莫不踴

長樂縣志

卷十二

列傳一

五

各宦

躍贊助三閱月 文廟並兩廡明倫堂名宦祠鄉賢祠文昌閣皆

漸次就緒聿觀厥成從此文風丕振夢麟之力爲多

陸登選甌甯人舉人性沈靜學純粹康熙三十七年任本學教諭因

見學宮修理未竣復倡捐修立學規勤督課好與諸生談論經史亶亶不倦每月課藝立爲評品汲引後進造就者多闔邑稱頌

廖溶龍巖人舉人沈默簡重持身廉潔學有淵源雍正八年爲本學教諭日與諸生談論絕不及阿堵事惟以經史課督後進蒞任未久以疾卒于官諸生咸痛惜焉

謝大錫號蔗田龍巖州舉人道光元年任本學訓導工楷法善評文甫下車卽倡議建奎光閣以象文明濬文洽浦以通文運邑人士

仰其品學公請在明倫堂主講席及門濟濟如坐春風固百餘年所僅有也不數月以無疾逝門人哀感爲之發喪且私祀焉同治八年崇祀洽浦報功祠

許遂元原名秉衡號健甫甌寧廩貢生以道光三十年署教諭積學能文好行善事適五賢祠圯僉詞請帑寢不行元獨慨然捐百金爲邑人倡並與訓導蔡公捐造樂器祠成祀焉善書法尤長隸書人爭寶之

蔡承祐號順甫龍谿舉人以道光己酉任訓導性平易善屬文謁廟見一敵僅存捐廉俸造樂器設虞業補佾生嗶嗶厥聲園橋觀聽前此所未聞也諸生頌以扁曰鼓舞作新嗣以重建五賢祠與

長樂縣志

卷十二

列傳一

十六

名宦

許公同祀焉一時邑學得此兩賢師於戲盛哉

以上學師

國朝

游崇功興化人康熙五十一年爲長福營右軍守備駐長樂恤兵愛民與紳士交謙恭有禮有儒將風值春杪米價騰湧百姓惶悸崇功因公赴羅源諸邑購米數百石平糶民賴以生朱一貴寇臺時崇功率兵前往逢賊鹿耳門以兵少馬蹶戰不利步行斬數百級回顧所部兵皆叛僅隨身一人受重傷猶奮勇手刃數人而絕臺平制府覺羅滿保上其事 欽賜葬祭旌難坊廕一子金闕

以上武職

終